

香案牘目錄

軒轅

尹喜

范蠡

鬼谷

介推

陸通

鹿皮翁

阮丘

玄俗

白石生

宋萊子

古丈人

董誦

季克

孟岐

黃安

涉正

孫博

斑孟

柳融

王興

桐君

趙丙

王喬

國家圖書館 NATIONAL CENTRAL LIBRARY, TAIWAN, R.O.C.

周大賓

安期生

司馬季主

王探

章玉子

唐公昉

朱仲

劉安

劉京

梅福

樂巴

孔元方

李意期

李阿

介象

張道陵

王暉

張仲常

王喬

趙威伯

劉偉道

王中倫

鮑靚

姜伯貞

元藏機

陳簡

葛玄

鄭思遠

黃野人

許翹

陶弘京

王遠知

司馬承禎

李含光

許遜

許大

胡惠超

單道開

范豹

寇謙之

嚴達

孫徹

丁玄真

顏真卿

伊祁玄解

摸先生

王元芝


香齋書目錄終

香

二



國家圖書館, NATIONAL CENTRAL LIBRARY, TAIWAN, R.O.C.



香案牘

真門廣牘八十八卷

華亭陳繼儒撰

嘉禾周履靖校

金陵荆山書林梓

軒轅

帝列珪玉於蘭蒲席上春雜寶爲屑以沉榆之
膠和之爲泥畫野分州別尊卑華戎之異濟南
人獻明堂圖複道上有樓從西南入此樓之始
蟻蛄大如牛羊蟻大如虹以應土德

尹喜

文始先生生室中陸地生蓮花結草爲樓精思
至道

范蠡

蠡好服桂飲水賣藥蘭陵於北邙山得仙

鬼谷

秦時疫死者有鳥如鳥啣草覆其面遂活有司
上聞始皇遣使賫草以問先生云此瓊田中養
神芝其葉似菰而不莖生一葉能起一人

介推

子推與趙宣子遊旦有黃雀在門上晉公重耳
異之後見東海邊爲王俗翁賣扇

陸通

楚狂接輿好食橐盧木實及菁蕪子在峨眉

鹿皮翁

岑山頂有泉人不能到鹿皮翁作輪轉懸閣梯
道四間上其巔

阮丘

丘耳長七寸口中無齒

玄俗

俗目中無影

白石生

生髮白者爲糧問之何不霞舉呖曰天上多有至尊相奉事更苦於人間爾時號爲隱遯僊人

宋來子

來子常洒掃一市

古丈人

嵩華松下古丈人一女子二曰老人秦之役者女宮人合爲殉幸脫驪山之禍匿此

董謁

謁乞犬羊皮爲裘編荆爲床聚鳥獸毛而寢性好異書見輒題掌還家以片籀寫之舌黑掌爛人謂謁掌錄而舌學

季充

充號負圖先生伏生十歲就石壁中受充尚書授四代之事伏生以繩繞腰領一讀一結十尋

香案牌
之繩皆成結矣充餌菊朮經旬不語人間何以
答曰世間無可食亦無可語者

孟岐

岐嘗云見周公旦抱成王以朝於周廟岐時侍
周公陞壇公上岐以手摩成王足周公以玉笏
遺岐岐則常寶執每以衣袂拂拭笏笏今銳欲
折耳

黃安

安坐一神龜廣三尺行則負龜而趨曰伏羲氏

始造網罟獲龜以授我輩已乎此龜畏日月光
三千年一出頭我坐此以來龜出頭者五矣

涉正

正閉目二十年弟子固請之正乃開目有聲如
霹靂而閃光若電已復還閉

孫博

博口中吐火指樹火生葉旋焦枯又能於水面
布席作樂使衆人舞於上不沒不濡引鏡爲刀
屈刀成鏡積時不改

班孟

孟坐空虛中與人語又能入地初沒足至腰及
胷漸漸但餘冠幘良久盡沒又吸人屋上瓦瓦
飛入簷楣紛如落葉

柳融

融取杯咒成龜煮之可食腸臟皆具而杯成龜
殼煮取肉則殼還成杯矣

王興

秋長山洞穴中有千歲金蟾蜍山頂有瓊花木

徑八九尺葉如白檀花如芙蓉香聞數里興常
見之

桐君

君入山得鳴石雞舂碎爲藥服之有聲氣雞色
丹大如燕常在地中應時而鳴吳寶鼎元年貢
琥珀燕置靜室室中時一鳴翔此之類也

趙丙

丙舟行遇人酌水爲酒削一楫爲脯竝得醉飽

王喬

武陽北平山有白蝦蟆謂之肉芝王喬食以仙
去武陽仙祠有三王喬一太子晉一葉令王喬
一食肉芝王喬

周大賓

賓善鼓琴彈獨絃而八音自和以教糜長生孫
廣用廣用卽孫登也

安期生

生以醉墨洒石上皆成桃花

彭宗

宗能以一氣誦五千文通爲兩過音聲清暢

司馬季主

季主顏如少女鬚三尺黑如墨有子二男名法
育女名濟華俱在委羽山

王探

探師司馬季主與人行身散雲霧或屹立平地
俄起崇山

章王子

王子會水噴成珠玉與弟子行各丸泥爲馬乘

之一日行千里

唐公昉

公昉昇僊雞犬皆去惟鼠惡其穢垢不將鼠自悔一月三吐易其腸東廣微所謂唐鼠是也

朱仲

漢高后下書募三寸珠仲賫珠詣闕魯元公主從仲求珠仲獻四寸珠景帝時復來獻三寸珠數十顆

劉安

淮南王安見太清仙伯以坐起不恭謫守天廁

劉京

京授九子丸於王公公時已七十歲服之御八十妾生二十兒

梅福

墨池在南昌縣水竹幽蔚王右軍典臨川郡日每過此盤礴不能去因號墨池先是福種蓮花池中嘆曰生爲我酷身爲我梏形爲我辱妻爲我毒遂棄妻入洪厓山

樂巴

廬山廟有鬼物能使江湖中分風舉帆巴下檝
勒鬼踪跡鬼走齊郡化爲書生談五經太守妻
以女巴勅殺之空中刀下狸頭墮地太守女已
生一兒俄化爲狸亦殺之

孔元方

元方以杖拄地一手抱杖倒豎頭在下足向上
以一手持酒杯倒飲之

李意期

人有說四方郡國宮觀市里期卽撮土成之經
見者詫其酷類但纖小耳

李阿

阿逢犇牛以足脛置車下輾其骨背折阿死須
臾復生足亦如故

介象

象入東岳受禁制之術能令一市人皆坐不起
有客種黍山中患羣猴揉食之乞辟猴法象告
汝見猴羣第語之吾已告介君介君教汝莫食

明日客試以象言語猴猴果連臂投林而去

張道陵

道陵居渠亭山見青童絳節前導曰老君至矣
從者二人與似弱冠或指曰此子房此子淵

王暉

暉種黃精虎爲之耕豹爲之耘出入亦乘虎豹
具羈轡行鞭策如乘馬

張仲常

仲常埋甕室下對妻子轟飲恣飽葷血及發甕

已多度甕中經日不腐

王喬

喬葬蒙城東自成塚其夕縣中牛皆流汗喘乏
或云葬橋山卽太子晉

趙威伯

威伯善嘯若衝風之擊長林衆鳥羣鳴須臾雲
翔其上冥霧四合零雨霏濛

劉偉道

偉道學仙仙人試以白髮一莖懸十萬斤巨石

鼠鬣髮垂垂欲絕使偉道卧其下了無怖色蓋
二十年

王中倫

晉武帝太康中田宣隱於鳴石岩下葉風霜月
拊石自娛每見一人着白單衣徘徊岩上清曉
方去自言王中倫生周宣王時愛此石聲清激
故轍畱聽

鮑靚

靚與葛稚川善每來門無車馬獨雙燕往還或

怪而網之則雙履也墉城集仙錄云靚以女妻
稚川

姜伯貞

伯貞值史伯貞命立日中背後觀之其心不正
因教之服石腦

元藏機

機有馴鳥三類黃鶴時翔空中呼之立至能授
人語常航海飄至一島島人曰此滄洲也產分
蒂瓜長二尺碧棗丹栗大如梨池中有四足魚

金蓮花婦人採爲首飾曰不戴金蓮花不得在
仙家

陳簡

簡遇道者引至石室屬以圯上素書一軸曰汝
有書性好爲我書發軸視皆古篆籀文心難之
度無可遜避遂按本半日書竟

葛玄

玄遇親朋輒邀止折草刺樹以杯盛之汁流如
泉杯滿卽止飲之皆旨酒取瓦礫草木之實勸
客皆脯棗指蝦蟆使飛龜使舞應節如人爲客
行酒杯自至前不盡杯不去

鄭思遠

思遠每出行乘虎二虎雛負經以從橫江橋逢
許隱具煖藥酒虎爲拾柴燃火隱患齒痛求虎
鬚熱插齒間思遠拔之虎帖地不動

黃野人

野人遊羅浮長嘯數聲遙響林樾宋咸淳中客
有戴烏方帽着鞞往來羅浮山中見人則大笑

反走三年不言姓氏他日醉歸忽取煤書壁云
雲意不知滄海春光欲上翠微人間一隨千劫
猶愛梅花未歸蓋野人之儔與

許翹

真人告翹曰學道當如穿井井彌深土彌難出

陶弘景

弘景右膝有數十黑子作七星文少便鞍馬善
射晚皆不爲惟聽吹笙借人書隨悞治定

王遠知

遠知曇首之子母夢靈鳳有身僧寶誌曰生子
當爲神仙宗伯

司馬承禎

禎善金剪刀書腦中有小兒誦經聲玲玲如振
玉額上小日如錢耀射一席

李含光

含光工篆隸或稱過其父一聞之終身不復書

許遜

遜爲蜀旌陽令旣歸父老送之如雲有不返者

乃於宅東隙地結茆以居狀如營壘多改氏族
以從許姓號許家營

許大

大爲真君掃爨夫婦隱於西山不欲人識改姓
曰午旋改曰干夫婦皆解詩許大詩云不是藏
名混世俗賣柴沽酒貴忘言妻續云兒家祇在
西山裏除却白雲誰到門

胡惠超

超身不甚長然每處稠人中首獨昂出其上雖
至長者止及肩下指地中古金石寶器穿之如
言而獲

單道開

開服細石子一吞數枚唐子西贊曰世人茹柔
剛則吐之匙抄爛飯牛口如飼至人忘物剛柔
一致其視食石如嚼餅餌北平飲羽出於無心
食石之理於此可尋我雖不能而識其理庶幾
漱之以礪厥齒

范豹

豹云東方朔乃黠我我小兒時數與之狡獪宋文帝召見豹從東宮過指宮門曰此中有博勞鳥奈何養賊

寇謙之

成公興傭于寇之從母家使墾田寇一日於林下布筭周髀曆法不合公興教之應手而成

嚴達

周武帝建德中詔達至便殿時已汰浮屠氏復欲漸芟黃冠上問道曰達曰達對曰主優而客

劣上曰主客奚辨曰釋出西方得非客乎道出中夏得非主乎上曰客既西歸主無送耶對曰客歸則有益胡土主在則無損中華去者不追居者自保又何送乎上大笑得免

孫徹

徹隱遯宿於木杪編葛爲席合目端坐其友馬儉思之取葛席置靜室供養數日輒聞席上有人語

丁玄真

毒龍潭二龍飛入殿與張僧繇畫龍闖風雨震
沸玄真書鐵符鎮潭龍穿山而去復釘畫龍之
目其患廼止

顏真卿

白紫清云真卿今爲極驅邪院左判官

伊祁玄解

西域進方員二美王玄解曰此龍虎玉也員生
於水龍寶之方生於山虎寶之詢使人果得之
漁獵者

摸先生

先生束雙髻於頂携小竹筥賣藥有疾者手摸
之輒愈人呼爲摸先生

王元芝

元芝數歲時夜出門見一道士隨之入江在水
底月明中行不見泥沙水隨步自開路傍一物
十丈許如龍如蛇有五色光道士指曰此水母
也見之長生自是便能逆風挂帆泛水安坐



國家圖書館, NATIONAL CENTRAL LIBRARY, TAIWAN, R.O.C.

香案版

五